

國立北京大學研究
院文史叢刊第一種

崇禎存實疏鈔

卷三上

崇禎存實疏鈔目錄

崇禎六年正月

初八日

吏部一本

強賊越城行劫等事

題看實可進等罰俸調間

又一本

皇仁浩蕩等事

題太康伯張國紀蔡比前例進封侯爵

兵部一本

預整戰守之局等事

覆監視閩寧太監題戰兵擇精守兵擇嘗馬價補馬事宜

又一本

酌議招練等事

題山水巡撫咨以宋紀調補左營遊擊

又一本

叛首被戮等事

題李賊被戮賊黨欽懼該撫監鎮設法急攻

又一本

塘報事

覆監視登島太監呂直題應勒校臣審明陳忠具奏

巡視廠庫給事中等官乞書等本

年終稽覈錢糧等事

題泰叢鎮戶陳敬等久領預支銀拖欠錢糧勒部參究

刑科給事中吳甘來一本

泰運將新等事

題拜命等尚祝願執要任人振起新猷

四川道試御史盧經一本

仰體皇上求治等事

題崇禎曉諭臣中律法預備兵餉暫行開後等項

刑科給事中李世祺一本

軍政重治等事

題請我任能職在樞家願召二臣面講求之

工部一本

恭報新置器甲等事

題湖廣治送弩甲進呈御覽

禮部書寫員外郎事章繼盛本

主聖臣直等事

奏南部臣周鑣疏指內臣望賜優容

初九日

吏部一本

缺管事

題推福建布政使司右叅議

又一本

缺管事

題推江西按察司副使

又一本

缺管事

題推山西按察司副使

兵部一本

秦盜稍得清理等事

覆陝西總督洪承疇題秦晉諸將盡歸曹文詡調度

監視薊鎮東協太監張國元一本

遠哨事

題前鋒哨至駱駝山東吏部接運等情

初十日

吏部一本

缺管事

題推雲南按察司副使

戶部一本

漕糧拖欠等事

覆監視薊鎮太監鄧希詔題督糧道嚴寧包攬親驗乾潔

又一本

庫貯各項寶等事

題督師傅文閣庫錢糧無恙議還該庫開銷

兵部一本

流寇再犯濟西等事

覆河南巡撫樊尚燦題會兵恭聽豫撫調度

又一本

塘報事

題遼東巡撫方深塘報失情

又一本

江盜黨流劫等事

覆應天巡撫莊祖誨題將之倭改補劉河午備

兵部等部一本

導旨明白具奏事

覆昌鎮督治侯題昌兵缺額招補立營

工部一本

經制定等事

題撫臣楊嗣昌復請益甲缺額銀各會總理庫銀那補

又一本

預整戰守之高等事

題關寧選兵立營議將廠庫益甲酌發

又一本

訪獲埋藏軍器事

題蘇州等捌府積通軍器貴以帶做察照完降罰

又一本

察參報起解等事

題浙江有起解軍器延緩立限該撫接去訖

總理戶兩部太監張彝憲一本

參處解餉等事

題奉領解差官樊問知解餉日久未到

又一本

請旨會同諸辱等事

題草場小脚舉官首黑爛勒部料道折案察驗

日講官禮部侍郎王應熊一本

言官違誣等事

奏被言賜片

十一日

禮部一本

戶部一本

工部一本

刑部等衙門一本

戶科都給事中許世盡等一本

福建道試御史祁彪佳一本

督發關寧援參監高起潛一本

監視薊鎮西協太監鄧希詔一本

刑科給事中李世祺一本

中府經歷司經歷孫一經一本

遵奉明旨等事

題年終備開闕出欽賞見貯銀兩候領員名

經費繁自出等事

題五年編審縣禁賭屬衛家隱冒編定造報

年終督効等事

題歲終考成苦無職名題明察賢力行題參

遵奉勅諭事

題謹遵聖諭備陳漸降事宜

欽奉明旨事

題本科給事中吳閻瀨接督卷數餉務

仰體皇仁等事

題條具民苦帶徵預蠲免等事

塘報事

題難民供稱岳將斬獻三賊門子洩露等情

邊警緊要等事

題邊地先寒春秋兩班併發興工

聖度以虛受等事

題事周錄具疏本當祈恩宥宥

偽官結黨通虜等事

題手執單款叫冤宋之相乞勅衙門擬罪立法

吏部尚書臣李長庚等謹

題爲強賊越城行劫文武怠玩疎防護據實糾叅以儆積玩
以重城守事考功清吏司案呈崇禎伍年拾壹月貳拾陸
日奉本部送吏科鈔出兵部署部事左侍郎楊一鵬題前
事職方清吏司案呈崇禎伍年伍月拾肆日奉本部送兵
科鈔出直隸巡按胡志藩題崇禎肆年捌月貳拾貳日奉
都察院勘劄捌月拾伍日准兵部咨該前按臣胡良機題
前事等因本月初叁日奉

聖旨據奏縣城縱盜劫掠出入自如文武各官好生玩愒劉以
守范學周等俱著分別議處雲中南路諸城係何官管理一
任軍丁占隱道臣清釐原屬專責何云勅部責成著胡良機
嚴行振飭仍察明所屬姓名并廢弛情形具奏該部知道欽

此欽遵移咨備劄前來奉此俱經案行該道嚴察去後續據分守冀北道山西按察司副使竇可進呈稱蒙此俱經備行大同府遵炤節行事理并駁批情節逐一清理復察及守催去後今據該府申稱隨經備行南路復察去後今據該路通判萬代新牒稱隱占之弊種種不一有備把諸人苦無役糧或因書寫奔走暫免差操者有姦頑書隊借事朦朧及至臨點雇張作李者有無恥青衿結把市猾或全名自占或半分其猾并屬不敢指斥州縣莫可誰何者沿習已久武備全弛此所以劇盜入城而軍士不敢櫻其鋒也緣繇具開到府該知府張抑之看得南路各城堡軍士隱占有人冒餉有數廢弛情形該路備言無復再議緣繇開冊到道看得南路諸城逼近山西草梁山與代州振

武衛村堡地相錯壤年來征調頻繁民力已竭於是草寇
嘯聚橫肆劫掠而應山一帶逼處其間本道嚴督官兵時
勤勦堵寇盜聞風遠避地方似相安矣不謂突有山陰城
之素封郭一俊多金慢藏致劇盜生心操刀入室攫金越
城而出該城縣令守備縣所巡捕把總提封百里保安四
境乃其職掌何嚴城之中夥賊公行若罔聞知荷戈乘障
之卒焉往擊柝巡警之兵何在事關地方咎將誰諉則典
守者難辭其責矣今縣官守備已經具疏叅劾其馬邑應
州懷仁西安與山陰接壤雖境內無虞然影射積習若出
一轍均有冒占之弊則均難免弛備之咎宜分別併議今
據府路俱經一一清察指名似無遺漏緣繇具呈炤詳該
前御史胡良機批詳語未便回

奏該道斟酌另詳蒙此隨經備行大同府逐款逐名一一對質根究妥確分析列款造冊議詳及守催去後今據該府申稱看得設立軍士月給糧餉時加操練以備戰守也豈容各項隱占糜餉蠹

國哉今逐款逐名察審明白備造草冊統候轉達回

奏或按法究處或令改圖自新申詳到道看得南路陸城堡守操印捕把總等官以及生員隊識隱冒軍士於中弊習本道前詳已備言之矣但彼時原據州縣守操經歷等官開報事多游移尚無的據今蒙批駁若非拘執面質終難成案恐畱辯隙事關回

奏不得不爲慎重但地方既遠弁屬多員占役人衆一時拘集未便備行大同府就近逐款逐名一一嚴究今據該府

申詳前來本道覆審逐款質議惟是人數衆多不便入招
謹造細冊伏候裁奪回

奏除馬邑城守備張于魏已該大同監視內臣劉文忠疏叅
解京山陰城守備范學周日前失事已經別案議罪外等
因於崇禎伍年參月初陸日呈詳到臣該臣細加簡核中
間占冒名項尚未名列覆行駁察去後本年肆月貳拾柒
日據副使竇可進覆詳造冊到臣臣謹會同大同巡撫張
廷拱看得雲鎮諸路俱瀕虜巢獨南路陸城設在腹裏自
款貢以後邊塞教寧玩愒廢弛所繇來漸矣方今東西多
故盜賊充塗而在事各官乃敢泄沓玩縱虛冒若此臣等
遵奉

明旨再三嚴察至隱占官軍俱已細核詳確其清釐整頓道臣

原屬專司權無可諉其管理廳官則陞任嘗三錫見任萬代新亦應爲法受過責無可辭至隱占軍糧不法官生姓名備造細冊徑送部科察核不敢瑣塵

御覽其原經失事知縣劉以守被劾去任訖守備范學周等業已問明擬罪另疏具

奏外伏乞

勅下兵部再加察核酌議上

請行臣等逐款分別正罪具

奏施行等因崇禎伍年伍月拾叁日奉

聖旨兵部知道欽此欽遵鈔出到部送司案呈到部看得雲中南路各城占隱軍丁相沿爲弊者非止壹人自守操印捕把總等官以及廢弁生員隊識無不有占歲糜額餉操練

無聞何怪盜賊之公行而無忌哉按臣駁察至再業經該道開報姓名俱已詳確如先任叅將今已故褚堯庚守備王士俊王志平蕭維劉管成指揮王選黃鉞千戶鄭九邊周麟許承爵陸奕忠鄧毓秀百戶談經汪應吉許首薦金學孔巡捕周鎮邊千總郝起調操守張允聖把總奚貢鄉官總兵宋偉生員景象傳勛夏從新隊識楊孜陳天興楊冲劉伯祥王居簡曹主劉選李廷相黃金葉仁嘗士可林七一宋晉受張英林鐵柱蘇士良馬玉等皆應

勅下該按究問分別所占之多寡而輕重擬罪者也若道臣專司察覈而實可進不聞釐剔管理廳官陞任嘗三錫見任萬代新甘同猫鼠俱應聽吏部議處其失事知縣劉以守與守備范學周等已經被劾另擬無容復議矣既經具題

前來相應覆

請伏候

命下遵奉施行等因崇禎伍年拾壹月貳拾叁日奉

聖旨軍丁原備守禦乃占冒侵餉以致盜賊縱橫殊可痛惡本

內守操等官都革了職併各員役著該巡按御史提問分別

追擬具奏竇可進嘗三錫萬代新俱著吏部議處奏奪欽此

欽遵鈔出到部送司案呈到部看得竇可進職在清釐任

人隱占至盜發無荷戈之士城中有失事之虞是豈所以

肅微循而飭邊政乎念已經降肆級姑令罰俸壹年嘗三

錫萬代新經管糧餉坐視虛糜責以見任職司何辭疎縱

固其繇來已非壹日陞任亦難辭愆合無將今陞永平府

同知嘗三錫就原任通判調簡僻用萬代新於見任降壹

級管事既經兵部具題前來相應覆
請合候

命下臣部移文各該撫按衙門遵照施行

崇禎陸年正月初陸日

初捌日奉

聖旨占軍冒餉漫無清覈以致盜劫公行道廳各官所司何事
實可進著再降一級萬代新降二級俱炤舊管事嘗三錫以
通判降二級用

吏部尚書臣李長庚等謹

題爲

皇仁浩蕩篤親誼渥懇乞

聖明恩隆一視恪察

舊制以昭

曠典以優懿戚事驗封清吏司案呈奉本部送崇禎伍年拾貳
月拾壹日吏科鈔出中軍都督府帶俸少保太康伯張國
紀奏稱竊臣中土豎儒叨列

國戚際遇不長久虛

盛典幸值

聖主開天仁覆廣布念臣爲

懿安皇后之父加之宮階進之伯爵